



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ՕԶՈՒՆ ՀԱՄԱՅՆՔԻ ՂԵԿԱՎԱՐ

ՈՐՈՇՈՒՄ

17 ապրիլի 2019 թվականի, N 60-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ՕԶՈՒՆ ՀԱՄԱՅՆՔԻ
ՍԵՓԱԿԱՆՈՒԹՅՈՒՆԸ ՀԱՆԴԻՍԱՑՈՂ 06-017-0004-0015, 06-017-0121-0015,
06-014-0307-0074 ԵՎ 06-112-0408-0003 ԿԱԴԱՍՏՐԱՅԻՆ ԾԱԾԿԱԳՐԵՐՈՎ
ՀՈՂԱՄԱՍԵՐԸ ՎԱՃԱՌԵԼՈՒ ՆՊԱՏԱԿՈՎ ԱՃՈՒՐԴ ԱՆՑԿԱՑՆԵԼՈՒ ՄԱՍԻՆ

Համաձայն «Տեղական ինքնակառավարման մասին» Հայաստանի Հանրապետության օրենքի 35-րդ, 42-րդ և 43-րդ հոդվածների, «Հրապարակային սակարկությունների մասին» Հայաստանի Հանրապետության օրենքի երրորդ, չորրորդ, հինգերորդ, ութերորդ, 10-րդ, 11-րդ, 14-րդ հոդվածների, Հայաստանի Հանրապետության «Հողային օրենսգրքի» 67-րդ, 68-րդ և 70-րդ հոդվածների, Հայաստանի Հանրապետության «Քաղաքացիական օրենսգրքի» 463-465-րդ հոդվածների, Հայաստանի Հանրապետության կառավարության 2001 թվականի ապրիլի 12-ի «Պետական և համայնքային սեփականություն հանդիսացող հողամասերի օտարման, կառուցապատման իրավունքի և օգտագործման տրամադրման կարգը հաստատելու մասին» N 286 որոշման, ի կատարումն Հայաստանի Հանրապետության Լոռու մարզի Օձուն համայնքի ավագանու 2019 թվականի ապրիլի 15-ի «Հայաստանի Հանրապետության Լոռու մարզի Օձուն համայնքի սեփականություն հանդիսացող 06-017-0004-0015, 06-017-0121-0010, 06-014-0307-0074 և 06-112-0408-0003 կադաստրային ծածկագրերով հողամասերի օտարելու մասին» N 27-Ա որոշման՝

որոշում եմ.

1. Հայաստանի Հանրապետության Լոռու մարզի Օձունի համայնքապետարանում (հասցե՝ գ. Օձուն, փողոց 6, թիվ 10) 2019 թվականի մայիսի 31-ին ժամը 10:00-ին համայնքային սեփականություն հանդիսացող հողամասերի վաճառքի նպատակով անցկացնել բաց աճուրդ (դասական եղանակով) հետևյալ լոտերով.

1) Լոտ 1. Օձուն համայնք, գյուղ Արդվի փողոց 1, թիվ 3/1 հասցեում գտնվող, Օձուն համայնքի կադաստրային քարտեզի 06-017-0004-0015 ծածկագրով բնակավայրերի նպատակային նշանակության, այլ հողերի գործառնական նշանակության 0.002 հեկտար մակերեսով հողամաս՝ հասարակական կառուցապատման շինություն կառուցելու նպատակով:

Աճուրդի մեկնարկային գին սահմանել տաս հազար (10 000) ՀՀ դրամ, նախավճարի և քայլի նվազագույն չափը՝ մեկնարկային գնի հինգ տոկոսը՝ 500 (հինգ հարյուր) ՀՀ դրամ, մասնակցության վճար՝ 5000 (հինգ հազար) ՀՀ դրամ:

2) Լոտ 2. Օձուն համայնք, գ. Արդվի, փողոց 1, թիվ 1/2 հասցեում գտնվող, Օձուն համայնքի կադաստրային քարտեզի 06-017-0121-0010 ծածկագրով արդյունաբերության, ընդերքօգտագործման և այլ արտադրական նպատակային նշանակության, գյուղատնտեսական արտադրական օբյեկտների գործառնական նշանակության 0.06775 հեկտար մակերեսով հողամաս՝ գյուղատնտեսական արտադրական գործունեություն իրականացնելու նպատակով:

Աճուրդի մեկնարկային գին սահմանել 200000 (երկու հարյուր հազար) ՀՀ դրամ, նախավճարի և քայլի չափը՝ մեկնարկային գնի հինգ տոկոսը՝ 10000 (տաս հազար) ՀՀ դրամ, մասնակցության վճար՝ 5000 (հինգ հազար) ՀՀ դրամ:

3) Լոտ 3. Օձուն համայնք, գ. Օձուն, փողոց 42, թիվ 2 հասցեում գտնվող, Օձուն համայնքի կադաստրային քարտեզի 06-112-0408-0003 ծածկագրով էներգետիկայի, տրանսպորտի, կապի, կոմունալ ենթակառուցվածքների օբյեկտների նպատակային նշանակության, կապի հողերի գործառնական նշանակության, 0.03 հեկտար մակերեսով հողամաս՝ կապի նշանակության շինություն կառուցելու նպատակով:

Աճուրդի մեկնարկային գին սահմանել 250000 (երկու հարյուր հիսուն հազար) ՀՀ դրամ, նախավճարի և քայլի չափը՝ մեկնարկային գնի հինգ տոկոսը՝ 12500 (տասներկու հազար հինգ հարյուր) ՀՀ դրամ, մասնակցության վճար՝ 5 000 (հինգ հազար) ՀՀ դրամ:

